

---

Vår referanse 2020/47754-2  
Dato 29.05.2020

---


TORGET 7 SERVERING AS  
Skuteviksbodene 18  
5035 BERGEN

## Vedtak - Uteservering Metz - gnr. 166 bnr. 456 - Bergen kommune

Vestland fylkeskommune viser til dykkar søknad den 25.03.2020 om leige av offentlig areal til uteservering.

Søknaden gjeld leige av fortausareal langs fv. 577 Torget til uteservering for heile sesongen 2020. Det er søkt om bruk av areal til uteservering i samsvar med vedlagt kartutsnitt frå søknaden. Deler av det søkte arealet inn i Søthullet er det Bergen kommune som eig, og for dette arealet er det kommunen som må fatte eit evt. vedtak. Eiegdomsgrensa går mellom hushjørnet til Torget 7 og Torget 3.

I 2019 var arealet inn i Søthullet likt som årets søknad, men arealet langs Torget var annleis. Her var arealet 1,5 m frå fasaden på den eine sida og 2 m frå fasaden på den andre sida. Lengde langs bygget var 7,2 m. Dette arealet hadde ei irregulær rektangulær form og eit areal på 12,6 m<sup>2</sup>. Totalt var det eit leigeareal på ca. 18,6 m<sup>2</sup> på Vestland fylkeskommune sin eigedom.



*Kartutsnitt som var vedlagt søknaden om leige av areal langs offentlig veg*



*Kartutsnitt over leigeareal i 2019*

### Generelt


Søknader om leige av fortausareal langs fylkesveg har tidlegare blitt handsama av Statens vegvesen i samarbeid med Bergen kommune, Bymiljøetaten. Vi viser til brev frå Vestland fylkeskommune datert 18.03.2020 med informasjon om at fylkeskommunen overtar handsaming av søknadane.

Vegareal sin primære funksjon er trafikkføremål for motoriserte køyretøy og mjuke trafikantar. I den grad uteservering ikkje kjem i konflikt med hovudføremålet eller andre gjeldande regelverk ønskjer vi å legge tiltrette for uteservering. Vi vil vurdere om det er grunnlag for å gjere vedtak om løyve til uteservering.

Med mindre vegstyresmakta har fatta vedtak om løyve til bruk av offentlig vegareal er det forbode å nytte offentlig vegareal til anna enn trafikkføremål jf. veglova § 57, 2. ledd, 2. punkt. Fylkeskommunen må godkjenne bruk av areal til uteservering både som grunneigar og vegstyresmakt.

### Vurderinga av saka

Det er svært høg ferdsel på fortauet langs fylkesvegen, og her er det også haldeplass for buss. I Torget har Vestland fylkeskommune lagt til grunn at ferdselssona på fortauet skal være 4 m. Dette er grunnlagt i at det resterande arealet skal samsvare med føresegn § 6.3 for kommunedelplan for sentrum som krev minimum 3 m fri fotgjengarbreidde. Vurderingane er gjort i samarbeid med plan- og bygningsetaten som har vurdert saka etter kommunedelplan sentrum, § 6.3.



*Oversiktskart over kvar ein finn det aktuelle arealet som søkast om å bli leigd*

### Vedtak

Vestland fylkeskommune samtykker for heile 2020 til utleige av fortausareal ved fv. 577 Torget i 7,2 meters lengde langs fasaden mot Torgkaien. Dette arealet er 2 meter ut frå fasaden på den eine sida og 1,5 m på den andre sida langs Torget 7.

I tillegg samtykker Vestland fylkeskommune til leige av areal innover i Søthullet 3 m frå fasaden der arealet er eigd av fylkeskommunen. På grunn av eigedomsgrensa vil dette arealet ha form som ein trekant. Totalt leigeareal frå fylkeskommunen vil vere ca. 18,6 m<sup>2</sup>. Samtykket for dette arealet er eit enkeltvedtak etter veglova §§ 9 og 57. Sjå kartutsnitt under som viser arealet vedtaket gjeld.



*Figuren viser ein illustrasjon av vedtatt leigeareal, og søkt areal som fylkeskommunen ikkje eig. Fylkeskommunalt areal er merka med blått.*

Det er forbode å nytte eit større areal til uteservering enn det vegstyremakta har fatta vedtak om jf. veglova § 57, 2. ledd, 2. punkt. Det betyr at fysisk avgrensing av uteserveringa ikkje skal gå over dei grensene fylkeskommunen har vedtatt.

Til informasjon vil Vestland fylkeskommune revurdere bruken av areal til uteservering før utleigesesongen 2021. De må derfor ta høgde for at det kan bli endringar i utleigeforholdet ved eit seinare tidspunkt.

#### **Opplysning om klagerett**

Det er høve til å klage på vedtaket innan 3 veker etter at dette brevet er mottatt jf. Forvaltningslova §§ 28-36. Klage med grunngjeving skal sendast til Vestland fylkeskommune med følgande e-post: [post@vlfk.no](mailto:post@vlfk.no). Hugs å merke med vårt saknummer 2020/47754.

#### **Saksgangen vidare og annan informasjon**

Tilbod om leigeavtale vil Vestland fylkeskommune sende dykk i eit eige brev. De kan berre starte utesevering på arealet som er vedteke når leigeavtalen er underskriven.

Dette brevet må ligge tilgjengeleg på serveringsstaden for eventuell kontroll.

Med helsing

Hege Løvteit  
Leiar

Marita Onarheim Rong  
ingeniør

*Brevet er elektronisk godkjent og har difor inga handskriven underskrift*

Kopi til:

BERGEN KOMMUNE BYMILJØETATEN Postboks 7700